

(4) Law of seduction and adultery, ^{J. Masethe} Malapots' Court, K 34/16
Lo Lalwa xa Kxarebê.

Kxarebê xe e letšwe mehleng ya kxalê, mmaxe o tla mmôna. Byale mmaxe o tla re xo papaxe a re ngwana oo xa ke mmone xa botse, nka ke motho eo a leng theko ya basadi. Byale o tla biletšwa bakxekolo ba taba tša mofuta oo xone ba mmônê. Bakxekolo ba tla mo sekiša, a ba botša a re ke sentšê ke mokete. Yaba xo rongwa motho xo lesoxana xo fihliša molato oo wa thsenyêxo ya kxarebê.

Byale, xe lesoxana le ile la o dumêla molato oo, la re ke nna ke sentšeng kxarebê, byale papaxe kxarebê o tla mo lefiša kxome le podi tse pedi. Ke sôna seroto sa lesoxana xe le letše kxarebê mehleng ya kxalê.

Kxarebê xe e robetswe e se ya senywa.

Kxarebê xe e robetswe e se ya kxora, molato wa xaxe a o sekwe.

Lešoboro.

Lešoboro a le na molato. Mehlang ya kxalê, lešoboro xe le ka lala kxarebê ngwana lona o be a bolawa, ba re ke lešoboro xa se monna a se a wêla. A le na molato lešoboro, a le sekišwe.

Īhsenyêxo ya kxarebê. Kxarebê xe e sentšwe e sekišwa ka xaê ke batswadi ba xaxe, a ba botša xore o sentšwe ke mang. Byale batswadi ba kxarebê ba tla vroma motho xo. batswadi ba eo a mo sentšeng, byale xe mosenyi wa kxarebê xe a dumêla u ka se ke a išwa lekxotla o tla lefišwa ke batswadi ba kxarebê kxomo le podi tše pedi.

Xe mosenyi wa kxarebê a xanetša, o tla išwa lekxotleng xo ntona. Byale xe lekxotla le mmôna molato le tla mo okeletša seroto sa tefô kxomo le podi tše tharo. Kxomo le podi tše pedi di tla fiwa batswadi ba kxarebê. Podi ya boraro e ja ke banna ba lekxotla,

e bitšwa manganga-hlaxa.

Kxarebê xe e se ya tšewa e sentšwe.

Batswadi ba kxarebê ba lefiša mosenyi wa xaxe kxomo le podi tše pedi. Kxarebê e botšišwa xabotse xone "o sentšwe ke mang, e bile e xapeletšwa xone e bolêlê eo a e sentšeng. O, kxarebê e kxôna xo phara motho eo e seng yêna eo a mo sentšeng xe a bôna motho eo a nee dikxomo tšeo a ka mo lefang ka fšôna.

Xe motho a letše kxarebê, o a lefa kxomo le podi tše pedi xe a dumêla. Xe a xaana a išwa lekxotla mme a fumanwa molato, kôtlô ke kxomo le podi tše tharo. Kôtlô ke podi ya boraro, manganga-hlaxa. Podi eo e ja ke banna ka moka xa yôna kxorong. A a nyale ngwanenyana eo ka kxang.

O mosenyi o a lefa le xe a nyala kxarebê eo. Xo noswana, mosenyi o a lefa le xe a sa mo nyale. Fêêla le xe a mo nyala mosenyi o tla re xo lefa

22/221

K34/16

4

xo lala kxarebê eo, byale ba a thôma ditaba tša xo tšea ka bofsa yaba xo nthsiwa maxadi.

A xo na dithsenyaxalêlô tše nthewang xo xodiša ngwaana mehleng ya kxalê.

Ngwana - Ngwana ke wa kxarebê eo e lexo mmaxe. Aowa a a ye xo papaxe ka xobane o ana mothopho o tea le mmaxe ka xobane ba no o lalana ba sa re re a tšeana.

Kxomo ya xo lefa kxarebê xe e be e se se ya xokwa, kxomo ke ya papaxe empa xe kxarebê eo e be e xokilwe kromo eo o ya nayo boxadi, ngwana eo a tšwelang naê o tla ana mothopho wa monna eo a nywetšeng mmaxe ka dikxomo.

Kxarebê ya xo lalwa - Kxarebê xe e dio bônwa xore e leetšwe e ya sekišwa, a xo emelwe xore a be le ngwana pele. Xapê a xo lebellwe ngwana kapa xo senyêxa xa mpa, xo lefša xo lalwa xa kxarebê e sa e thwele.

22/221

K34/16

5

Kxarebê ya ngwana wa bohlolela.

Kxomo ya tefô ke ya batswadi ba xaxe. Xe kxarebê eo e senyêxa xapê la bobedi a e sa lefša.

Aowa! a xo na motswadi (batswadi) ba dumêllang baradi ba bona xo lalwa e ke xone ba tle ba fumane dikxomo tša tefô.

22/221

K34/16

6 *

Monna ya xopolêlang mosadi wa xaxe bohlôla (bofebi) - Monna ya xopolêlang mosadi wa xaxe bofebi, a xo na seo a ka mo diang sôna xobane a mo xopolêla fêla a se a mmôna a fêba le monna e mong.

Monna xe a swere motho (monna) le mosadi wa xaxe. Motho eo (monna) a ka swaranga fêba le mosadi wa monna e mongwe, xe a mo swara a sa fêba, monye wa mosadi o bolaya (motho monna eo). O mmolaêla xôna moo a ba swereng xôna a sa fêba le mosadi oo wa xaxe.

Bohlôla, Xe monna a swerwe a dia bohlôla le mosadi wa monna e mong, taba tša bôna di phêtha ke ba ka xae, ba xabô monna le ba xabô motho eo a diileng bohlôla, byale taba di tla phêtha ke moxatša mosadi, yêna o tla bea seroto sa tefô - kxomo kapa kxomo tše pedi.

KNO. 5 221.